

靈寶無量度人上品妙經卷之二十八

元八

靈寶无量度人上品妙經卷之二十八 亥

三辰光輝保命延生品

道言昔於始青天中碧落空歌大浮黎土受
元始度人无量上品元始天尊當說是經周
回十過應現諸天說此度人六周十遍无量

玄八

神靈盡來集會聽法大衆咸皆濟度其經藏
於高上神霄玉府宣說玉音演暢大法元始
天尊自上皇開基散布真氣造立道境復於
太皇之末中皇之始下於東方建通靈禁上
太霞洞元之天開上皇梵飛世界運仙化飛

昇之風舒飛仙洞羅之氣南方洞陽太光之
天開陽明洞耀世界運赫炎朱火之風舒三
天火鍊丹池之氣西方九仙梵行之天開渺
行霽雲世界運高皇大霏之風舒少陰開明
運仙之氣北方陰生廣靈之天開玄滋駕光
回飛世界運上極羅天之風舒真洞飛光之
氣至於東北始青木皇之天開碧落空歌世
界運融和九氣之風舒始陽震生之氣垂珠
攝煙建法略竟元始法身示現三百六十變
化大放九色神光洞照空有元始一氣敷落

萬真青陽宮中寶胤聖胎三氣周流木母生
火出於東鄉玉雲萬華溫明世界紫金魏闕
狀如嬰童黃朱錦衣巾金帶瓊坐鎮三垣爲
萬象之主膺我玉宸元皇之號現圓象於太
空日月列宿儼侍左右赤景至陽爲日黃華

純陰爲月八素流精爲星辰九元五章爲神
靈鎮天剛之樞居三辰之上即於太素天中
景霄虛陰長樂化境受元始度人三辰光輝
保命延生之法始當詣座天真大神上聖高
尊妙行真人無鞅數衆乘空而來三素飛雲

八景琅輿華旛翠節流彩揚光五色鬱勃洞
煥高虛靈霞散空三辰交映華芒四射妙氣
結形自成龍鳳甘露飄珠神煙卷縷纏綿續
靜網紐旋回聖真心目照達明徹山川林木
互入無礙天蓋圓浮土如碧玉無有異色列

玄八

二

仙環侍元始天尊玄坐虛浮火玉交光神虎
之座說經一遍諸天大聖同時稱善是時太
極元綱星羅雙耀宮闕通明說經二遍景星
騰光照朗太微說經三遍黃氣陽精徊天儻
空說經四遍五緯列真同會玉闕說經五遍

日闕月宮發現嘉祥說經六遍靈氣感降民
獲延年說經七遍得見赤文齊修上範說經
八遍執詠洞章挹景奔辰說經九遍功圓果
滿下拔幽冥說經十遍萬品化成永開生道
是時一國是男是女莫不傾心皆受護度咸
得長生

道言是時元始天尊說經一遍東方无極无
量品明真大神无鞅之衆浮空而至說經二
遍南方无極无量品真陽大神无鞅之衆浮
空而至說經三遍西方无極无量品太素大

神无鞅之衆浮空而至說經四遍北方无極
无量品羽明大神无鞅之衆浮空而至說經
五遍東北无極无量品碧落大神无鞅之衆
浮空而至說經六遍東南无極无量品洞戶
大神无鞅之衆浮空而至說經七遍西南无

亥八

三

極无量品飛符大神无鞅之衆浮空而至說
經八遍西北无極无量品辟非大神无鞅之
衆浮空而至說經九遍上方无極无量品青
都大神无鞅之衆浮空而至說經十遍下方
无極无量品遠昌大神无鞅之衆浮空而至

十遍周竟十方无極天真大神一時同至一
國男女傾心歸仰來者各乘七耀明霞三辰
寶輦無邊翺積非可禁止各見日帝月皇列
星宮殿各處世界一一宮中皆有帝尊群臣
吏民佐史國土境域不可臆度遍計天仙高
真羽盖丹輿斑龍獅子驂駕往來採鍊奔挹
明諸上道於是元始化現妙光大若圓象乃
登引天真大神上聖高尊妙行真人十方无
極至真大神无鞅數衆俱入妙光論說三辰
光輝保命延生大法示教至妙之先道非形

相混成有物金水凝魂魂養胎宮光由神發
乃立妙无上帝妙有大帝混元大帝三帝萬
變經九七六億萬之數句陳上宮命天皇大
帝左宮命太陽尊帝右宮命太陰元君中宮
命紫微北極大帝總統二象運行五氣共領

三辰幹以元斗三百六十五度四分度之一
周流六十甲子運九陽之精爲日十陰之精
爲月和合日月之精爲星辰日有九色月有
十華日號九色圓象月爲十華圓光統大道
之神靈故號太一天靈之光太玄無夜之光

太蒼洞清之光綠瑤赤景之光五色濯羅燿
明之光白素黃華神燿之光丹霞朱火之光
太素玉華之光絳炎九微之光光中煥然自
然梵氣結成紫書瓊簡真文龍章鳳璽雲霞
五篇之篆八方之氣支勢曲折隱韻垂芒作

亥

四

八卦之狀普濟天人救脫衆苦日之周徑一
千里日行一度月之周徑一千里晝夜平行
一十三度遲行十二度速行十四度日月合
則萬物生成星大九百里小及百里行各有
次水火之度不可爲準三辰光輝文理垂形

靈書八會妙章玄圖曲素大洞知光輝之道
參於風雲氣雨玄津玉液則形神洞妙奔光
嚙霞引景步星則爲太上之真人元始即於
妙光之內說經都竟衆真監度以授於我當
此之時喜慶難言法事粗悉諸天復位倏歛
之間寂無遺響是時天人遇值經法普得濟
度全其本年無有中傷傾土歸仰咸悟光明
神合於光氣合於明保命不終延生無窮三
辰在天真道冥沖三辰入心飛舉成真三辰
照地七寶鎮世識其道則骨成龍文飲其光

則肉化金色出入有無永斷生滅齊同慈愛
異骨成親國安民豐欣樂太平經始出教一
國以道預有至心宗奉禮敬皆得度世

道言元始天尊說經中所言並是諸天上帝
內名隱諱之音亦是日月內諱星宿之隱名

玄八

五

也非世之常辭三辰光輝所以能保命延生
者三光之精天真之神下接人氣神氣混淪
光性爲照於人爲識識在氣存神不離根是
之謂命命洞斯旨可保而有命爲生主主在
生延延生得道道妙自然上聖以成真人通

玄究微能悉其章誦之十過諸天遙唱萬帝
設禮河海靜默山嶽藏雲日月停景璇璣不
行群魔束首鬼精滅爽回屍起死白骨成人
至學之士誦之十過則真神上奔三辰接景
乘駕龍車與帝扶攜遊宴華庭屍蠹蕩滅胎
穢淨明伏御地祇束縛魔靈返老却死還年
更生輕誦此章身則被殃供養尊禮門戶興
隆世世昌熾與善因緣萬災不干神明護門
斯經尊妙獨步玉京度人无量爲萬道之宗
巍巍大範德難可勝

道言凡誦是經十過則三辰之精下覆爾身
心光上騰景氣冥一始輝之童採華之女執
空青之紱以招三靈之神鍊神泥丸恍惚奔
登燕觀太无諸天齊到億曾萬祖幽魂苦爽
皆即受度上昇朱宮格皆九年受化更生得
爲貴人而好學至經功滿德就皆得神仙飛
昇金闕遊宴玉京也上學之士修誦是經自
然奔辰皆即受度飛昇南宮世人受誦則三
辰光輝降流身中注鍊形魂五臟金色面有
玉光延壽長年後皆得作屍解之道魂神暫

滅不經地獄即得返形遊行太空此經微妙
普度無窮一切天人莫不受慶無量之福生
死蒙惠上天所寶不傳下世至士齋金寶効
心盟天而傳輕泄漏慢殃及九祖長役鬼官
侍經五帝玉童玉女各二十四人營衛神文
保護受經者身

玄八

六

道言正月長齋誦詠是經日帝下觀天光接
身九霞鍊骨紫氣合神為上世亡魂斷地逮
役度上南宮七月長齋誦詠是經星帝下觀
天光接身寶霞鍊質金色化精身得神仙諸

天書名黃籙白簡削死上生十月長齋誦詠
是經月帝下觀天光接身寶霞鍊氣三光合
身神奔意感萬變更生爲國王帝主君臣父
子安鎮國祚保天長存世世不絕常爲人君
安鎮其方民稱太平八節之日誦詠是經雙
景朝元閉目內冥光洞天谷赤景鍊神五星
降真三辰繞身八威吐火元氣自生得爲九
宮真人本命之日誦詠是經日月煥照九元
絡形朱煙飄溶使爾玄通乘龍紫霄據斗攀
魁徘徊三陽遊行三玄辟試除殃八靈七政

坐卧斗中辟却萬凶三辰光輝為我還容魂
神澄正萬氣長存不經苦惱身有光明三界
侍衛五帝司迎萬神朝禮名書上天功滿德
就飛昇上清

道言行道之日皆當香湯沐浴齋戒入室

玄八

七

東向叩齒三十二通上聞三十二天心拜
三十二過閉目靜思身坐青黃白三色雲
氣之中內外蒼冥有青龍白虎朱雀玄武
獅子白鶴羅列左右日月照明五星交蔭
洞煥室內項生圓象光映十方如此分明

密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋清堂修行至經无量度人願所啓上徹

徑御

无上三十二天元始上帝至尊几前畢

引炁三十二過東向誦經

无始无量度人上品妙經

元始洞玄靈寶本章三辰光輝保命延生妙
品十回度人三垣隱韻變化自然大範騰輝
靈光散凝真氣鴻濛混合杳冥外黃內赤二

象交并陰陽吸和天寶成文玉字五篇八方

威神造化之祖二儀之源大化玄同溟滓無
垠開明三景是爲天根日月含胞九道乃分
元晶玄晶萬天化生上無復祖惟道爲身五
文開廓普植神靈光氣結縷宛轉億尋龍章
虎書寘玉布金華芒蔚構離合真精劫仞圓

羅玉山蕭京上極太无混洞三清渺渺鬱微
紫蓋黃庭左日右月中有赤熒六氣交纏三
光結形五帝告符七曜玄經雲網結帶神池
育嬰中有奔景赤黑之神中有梵氣周回之
君中有日童月女星妃之真中有鬱儀結璘
玄八
壘珠飛青燿紫之英中有挹輝採華八素之
文中有赤帝黃老天魂高奔上靈圓景方象
九色霞津灌鍊五臟澡治百關迅駕龍車上
造帝軒三辰光輝保命延生回骸起死无量
度人今日校錄諸天臨軒

大聖天量真人

東方无極明真神王長生大聖无量度人
南方无極真陽神王長生大聖无量度人
西方无極太素神王長生大聖无量度人
北方无極羽明神王長生大聖无量度人
東北无極碧落神王長生大聖无量度人
東南无極洞戶神王長生大聖无量度人
西南无極飛符神王長生大聖无量度人
西北无極辟非神王長生大聖无量度人
上方无極清都神王長生大聖无量度人
下方无極遠昌神王長生大聖无量度人

十方至真三辰光輝飛天神王長生度世无
量大神並乘八素之雲紫霞之輦洞光之輿
飛龍遊鳳杳靄萬香之車金碧瓊文之蓋神
明之節鬱絕之旛前擊鳴璈節奏後吹曲素
生音玄鶴青鸞嘯歌嗷嗷九真啓塗十華翼

玄八

九

轅億乘萬騎浮空而來傾光回駕保命延生
天魁內相玉輔帝靈太微司命玄合大神執
籙把籍齊到帝前隨所應度嚴校諸天高奔
赤帝吸御九元五辰協氣感接太玄光輝俯
流保命億千朱景綠英颯象鞞騫炎照虹離

結璘黃華刻名絳臺鍊腦飛霞坐鎮明空佩
服靈篇普告三界無極神鄉日宮月府左紀
右綱九天五斗東井河源降氣玄丹同會崑
崙疾除罪簿落滅惡根不得拘留逼合鬼群
元始符命時刻升遷三辰流火變化寒泉制
魔保舉奔景成仙陰質受鍊神光綿綿三宮
極真道化玄精生身受度劫劫長存隨劫輪
轉與天齊年永度三途五苦八難超凌辰極
上登三垣三垣之天天帝紫微無色之境梵

行

太東玄天

東方八天

三辰光輝應化之天如三奔之道上造日

月宮有樓闕仙民世界皆晶光所生

光洞極瑤天

帝越靜靈公

明梵耀白天

帝道謹觀元

玄德悅生天

帝伯茲命棲

恭紀彥張天

帝角牢同氏

妙玄九真天

帝兆育勤精

洞關架莊天

帝永幽九英

太飛玄頗天

帝定正常無

冥窈漏度天

帝棘茲莊攸

南方八天

帝日觀浮都

九道淵魚天

帝僑平子虛

林元允風天

帝還寶阿婁

化淨寂夷天

亥八

十

梵雲深玄天

帝憫江幽升

成德寶氣天

帝順護彥丘

靜正霄敷天

帝洞真端堯

升降治臻天

帝卿度司兵

清真紫虛天

帝奉貫治王

西方八天

混合寶真天

保印又玄天

洪拱祖秀天

列辰九師天

虛明光无天

韓司明禁天

流精瓊球天

神龍變至天

帝太素京

帝刹陀奚

帝度仙元尊

帝皇因太微

帝敞冥氣玄

帝華屢真機

帝博洞備符

帝玉清監真

北方八天

變度化真天

帝求何普林

空梵影藏天

帝覺仙蕩如

風元易氣天

帝鄙遲忽俞

臨山降仙天

帝斗魁玉宸

集慶蒼室天

帝覩多沙留

玄八

十一

朝燕猛部天

帝泰師宣遐

劫仞吉明天

帝洞演務陂

相夔島正天

帝郝陂山尊

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈九芒十
華變化上清无量之奧深不可詳數落神真
普度天人今日欣慶受度歷關諸天朝引辰
光顧儀眄璘台元寫網絡絃採玉月液裁防
五星轉珠落落明堂飛神九宮存嚙太陽光
輝炫晃無拘天門東斗青房西斗玉闕北斗
紫戶南斗玄丹中斗黃庭合會飛仙口吐青
氣錫祚萬年青帝拘魂白帝制魄赤帝火垢
黑帝蕩蠶黃帝召魔萬袂伏滅青華神王木
景含元赤華神王執憲句天白華神王徇風

絳煙黑華神王飛童飲玄黃華神王光耀三
垣五華奔龍萬神之宗飛行鼓從總領天兵
麾幢鼓節遊觀太空流精赫奕與道俱隆上
天度人金虎玉龍浩風攝氣辰極鍊容英秀

凡星保命無冬五老侍守太一鳥鐘速召萬

神降光闕宮洗滌陰愆書紀玄功掃除不祥
斬滅姦凶猛馬吐火金鉞前衝風雷巨霹電
激四飛疾行帝命引挹光輝劫往方嬰生無
凋摧三奔嚙華碧落同歸單青羽裙封山校
精三官北艷明檢鬼營不得容隱金馬驛呈

普告無窮萬神咸聽三界五帝列言上清

混洞九光玉輪十芒流珠曲直落落四張化
行祖氣道之至精精漸泮霞寶斡旋回符圖
龍書勢合交開鳳氣蟠丹仙雲偃芝嶽蹠卷
玉赤曜吐竒太上靈篇保命正文三辰光輝

玄八

十二

凝化自然上極圓蓋帝變億千周流化氣肇
生三垣幽冥虛曠無極無窮溟滓大梵遼廓
冲融神景炯爍梵氣淵旋妙液滋感恍惚變
仙升降黃赤遊宴上清元網流演五十二天
輪轉星羅周回十方旋角度婁開生五常三

十五分總氣上玄八景冥合氣入玄玄曜
發光光神自生神曰赤皇五帝夫人洞闢九
門白華隱存執把洞章召降天元紫虛鬱秀
輔翼萬仙千和萬合自然成真真中有神天
皇帝君太微北極天市玄宮日皇月耀總主
星辰金霞朱芒保命延生上極上清出入黃
房八冥之內細微之中下鎮人身泥丸絳宮
四目密招炎光寶龍中理五氣混合百神甲
爲陽日之始壬爲陽日之終庚爲陰月之始
申爲陰月之終角爲星舍之始璧爲星舍之

終黃赤黑白三辰之迹獨立周行亥没子生
十轉回靈萬氣齊仙仙道貴生光輝度人經
歷八門飛天法輪奔引感接赤鏡左旋普受
開度死魂生身身得受生上聞諸天諸天之
上各有生門中有三辰空洞之章上帝靈篇

卷八

十三

辭參高真

第一赤景奔日之音

暘谷金城

昇彼扶桑

巨光萬里

洞照十方

珠景外圓

中藏藻淵

五帝絳闕

瓊池碧蓮

青紫白黃

丹氣綿綿

下流爾身

錫以長年

騫林八羅

雲膺玉芝

散布百神

精合二儀

陽燧九龍駕

天馬奔高風

光老降華芒

飛昇日帝宮

錫爾洞元章

上清為真公

第二黃華奔月之章

月精綠羅

結璘化光

中有大神

號曰素皇

浩蕩流軒

杳不可量

珠宮玉府

寶閣琳房

攝御神氣

總統元綱

羽儀騰飛

車駕十龍

潢波崑崙

高峙玄峯

交會祥源

降我皓童

泛霞注碧虛

逍遙步靈風

採精挹華芒

下眄太無中

注爾長生籙

大惠永冲融

第三八素奔辰之歌

萬象布洪綱

三垣主神靈

嚴嚴天中尊

斗極運飛輪

紫微上帝君

元皇之化身

二景輔玄造

五曜施天經

大化積所變

黃氣騰陽精

九天降冲妙

太霄羅七真

暘谷浮鬱微

群聖度西崑

大慈虛皇帝

化此開生門

黃旛召天魔

列真趣大明

六氣相纏結

萬彙保生成

皇極旣以立

三道當順行

八素下禹餘

天民奔五辰

齊修正元道

飛神登玉京

此三辰之上飛空之中天真歌音參洞章

五八

十四

誦之百遍名度南宮誦之千遍天真下迎萬

遍道備飛昇太空過度三界位登仙公有聞

靈音魔王敬形勅制地祇侍衛送迎拔出地

戶五苦八難七祖升遷永離鬼官魂度朱陵

受鍊更生是謂无量普度无窮有祕上天文

諸天共所崇泄慢墮地獄禍及七祖翁

道言此二章並是諸天上帝三辰天真隱祕
之音皆是大梵之言非世上常辭挹輝引景
降致天光通玄變仙故謂玄奧難可尋詳上
天所寶祕於神霄玉府東藏依科格三萬七
千年應運下傳若有至人齋金寶質心依舊
格告盟十天然後而付焉

道言夫三辰光輝寂無虧蝕天運周行豈有
否終月與日同道則陰侵陽以掩其光日與
月同道則陽蔽陰而掩其華氣望而掩之三

辰未嘗損也爲天地之至精爾能採其光華
則爲上清之真秉策於玄臺故運度虧盈人
有休否至于疾傷存真吸光按摩疾所或思
握日月手把星綱坐致神仙保命無老齊心
修齋六時行香十遍轉經福德立降消諸不
祥无量之文普度无窮

玄八

十五

道言夫三辰光輝保命延生九色神光鍊骨
灌心陽精合氣仙化通神或存三景於泥丸
洞煥於六合之府併照洞房含芒嚙液上爲
高真而未學道淺或仙品未克運謝太陽身

經太陰臥形五斗道應滅度臨過之時同學
至人爲其行香誦經十過以度屍形如法魂
神經上南宮隨其學功計日而得更生輪轉
不惑便得神仙

道言三辰爲上道之宗萬象賴之以生仙聖
因之而成仰其威神可以制伏六天魔鬼滅
形引其光則遍徹幽關滌蕩胞胎屍血消散
七世解仇吸其華則體有金色面流玉光位
登太微神昇景霄光輝吐秀則萬藥凝丹方
寸萃寶飛晶接魂控辰紫庭浮駕上清遊宴

玉京也天地運終星宿錯度日月失昏四時
失度境上有災兵氣時見疫毒流行兆民死
傷師友命過皆當修齋行香誦經夫齋戒誦
經功德甚重上消天災保鎮帝王下禳毒害
以度兆民生死受賴其福難勝故曰无量普
度天人

道言凡有是經恭信之者三辰光輝下映爾
身外辟不祥內拘神魂遷度幽爽使覩天英
魄鍊屍滅保命延生上爲天地帝主兆民行
是功德有災之日發心修齋燒香誦經十過

皆諸天記名萬神侍衛右別至人尅得為聖
君金闕之臣諸天記人功過毫分無失天中
魔王亦保舉爾身得道者乃當洞明至言也
諸天中三辰光輝大梵隱語无量音 道君譔
太上三垣保命延生玉篇

東方老八八天

十六

祝盧球圖	布遠孕諸	影羅龍浦
光神司璘	旻微昭麓	青璫暨蟻
整震輅微	玄离堪池	道極霜褒
珏井仇聯	大宛阿柏	珍天玄仙

須華飛何
楚眇那輓
元碧洞空

瑛瑤曇多

南方八天

魄耀曇明
嶽泥通靈
玉嶠醜火

迷師鮮嶮
南澤雲霑
夏稼答無

惡陀珉竺
廓弈嬰犢
圈天山機

琚鎮浮羅
馘魔權漠
意迅心和

罔墜俟昔
紛統煙遠
梵由明緣

法易玻鄒

西方八天

閻浮玉岳

穎呂總監

无玄鏡即

鋤暮枕炎

廓露台北

防斗德銜

華舊由黎

辨部平漂

紫巒儼論

謹邈馥芬

巴靜戶央

池演將奔

於閭藪藏

帝伯幾魂

冶觀騫都

陳漢卑孫

北方八天

玄宥猷度

澄璠廉關

鄭紇巫萍

茲槎雲庭

金太越還

羅澤祺詩

薄好率藉

汶定淵恢

周盟革鏐

玄八

十七

岵栗題營

轉化譽窈

變冥祠丁

資靈攝京

和時莽桃

寶宛辨育

邈頗何枚

道言此諸天中大梵隱語无量之音招三辰
之光輝引九天之真氣清詠佩閱天真下迎

舊文自然梵氣生於三辰之宮以制三界大
小之殃水火之變天真皇人刻題日月中及
大宿星次以禳厄會斷絕否塞增駐運度有
識其文勅制鬼神役使六丁保命延生與空
傳靈字方廣一丈八角書形佩服朱綱玉策

紀名有知其音能齋而誦之者諸天皆遣飛
天神王下觀其身書其功勤上奏諸天萬神
朝禮地祇侍門大勲魔王保舉上真道備尅
得遊行三界升入金門此音無所不辟無所
不讓無所不度無所不成天真自然之音也

故誦之三辰降光九霞攝氣化鍊凡骸祖考
同僊頂生金華相具瓊顏壽等圓輝得道自
然飛天下觀上帝遙唱萬神朝禮三界侍軒
群袂束首鬼精自亡琳琅振響十方肅清河
海靜默山嶽吞煙萬靈振伏招集群仙天無

氛穢地無祆塵冥慧洞清大量玄玄也

元始无量度人上品妙經卷之二十八

玄八

十八



